

... RIVA EL NADAL

Oci lustrì, giossa al naso,
recie frede non par caso,
ma cuor caldo che ben spera
gà ee comari dea Riviera.

Sugamani, canevasse,
bee tovaje e çento strasse,
do presine, paiassetti
fasso'etti e bei merletti.

Po' çinture, anca borsette,
tacuini trentasette...
Tute robe fate a man
par el dotore e par el vian.

Una taja, staltra cuse
ben atenta a no far buse,
una incarta, staltra stira
e nea busta alfine impira.

Forsa, forza, amissi cari
tiré fora tre denari,
xe par fare del ben san
che ocore dar 'na man.

Co 'sto pejo e tanto amor
se combate ogni doeor.
Ma par rancurare schei
e curar i bruti e i bei,

So'e Dona, de contorno,
ghe ne pensa una al giorno:
se par impenir ee casse
più no basta vendar strasse,

vegna el pranzo, ea lotteria,
cari amissi, nessa e zia
a trovarse nel saeon
par do ciacoe in confusion.

Aea fine, el tacuin
ridarà come un bambin!
Un consiglio, amigo beo,
or te dà sto menestreo:

se ea carne ea xe durezza
para zo el bocon in fretta
e d'aiuto sia el bicier
come al vecio gondolier.

No i xe stomego e intestin
i attori del festin,
xe el cuor, l'amor par i altri
voer ben a quei e a staltri,

xe el vaeore del conforto
quando tuto par andar storto.
Su i bicieri, abbasso el mal,
viva noi, viva el Nadal.

Alberto Coletto - *menestreo da mar*

Ristorante Villa Ducale, 11 dicembre 2016